



kalikomo.

40028



Mag. St. Dr.

P

*Officium gratiarum actionis pro
victoria ex Turcis obtenta.*

THEOLOGIA.

N.

2260

OFFICIUM

Gratiarum actionis,

Pro victoria ex Turcis
obtentâ.

*Ex decreto Synodi Prouincialis 1628.
celebrata, conscriptum.*

Authoritate Ill: & Reuerend: Dñi,

D. IOANNIS WEZYK,

Archiepiscopi Gnesneñ, &c.

Editum.

Pro die 10. Octobris.

Ad Vesperas Antiphonæ.

CAntemus Domino, gloriôsè enim ma- Exod: 15.
gnificatus est, equum & ascensorem de-
iecit in mare. *Dixit Dominus.*

Dextera tua, Domine, magnificata est Exod: 15.
in fortitudine: dextera tua percussit inimi-
cum. *Confitebor tibi.*

Arcus fortium superatus est, & infirmi 1. Reg: 2.
accincti sunt robore. *Beatus vir qui.*

Iusti decantauerunt Domine, nomen Sap: 10.
sanctum

A

40028
JG

Officium

sanctum tuum, & victricem manum tuam
laudauerunt pariter. *Laudate pueri.*

Nabac: 3.

Ego autem in Domino gaudebo, & exul-
tabo in Deo IESV meo. *Laudate Dominum om-
nes gentes.*

Capitulum.

2. Cor: 10.

Benedictus Deus, & Pater Domini nostri
IESV Christi, Pater misericordiarum,
& Deus totius consolationis, qui consolatur
nos in omni tribulatione nostra.

HYMNVS.

Supreme regum, Rex bone,
Fons pacis & victoriæ:
Deus Pater sperantium,
Vltor superbientium.

Ad iussa cuius turgidæ
Maris procellæ subsident:
Iras leones exuunt,
Sol stat stupens, nec se mouens.

Quem fulgurantem desuper
Gentes feroces expauent,
Hostes tremunt, mali fremunt,
Boni triumphant gaudio.

Tu barbaros Osmanicos
Apros, fugas è vinea:
Vernam tuam Poloniam
A clade dira vindicans.

Irgo tuo celsissimo

Sit no-

Gratiarum actionis.

3

Sit nomini laus gloria:
Qui trinus, ac vnus Deus,
Per sæcla viuus omnia, Amen.

¶ **S**ancti per fidem fortes facti sunt in bello: *Heb: ii.*

¶ **C**astra verterunt exterorum.

Ad Magnificat

Benedictus Dominus Deus noster, qui docet manus meas ad prælium, & digitos meos ad bellum. *Psal: 143.*

ORATIO.

Domine Deus exercituum, qui interueniente Beata Virgine Maria, & Sanctis Regni nostri Patronis, immanem Turcarum exercitum, in cladem Poloniæ congregatum, magnâ cum ignominia repulisti; gratias tibi suppliciter reddimus: maiestatem tuam deprecantes, ut à quibus virgam furoris tui auertisti, eosdem ad te verè conuerti largiaris. Per Dominum.

De Patronis Commemoratio.

Psalte Domino Sancti eius, & confite mini memoriæ sanctitatis eius: quoniam ira in indignatione eius, & vita in voluntate eius.

ORATIO.

A 2

Infra

Infirmi-
tatem nostram, quæsumus
Domine, propitius respice, & mala
omnia, quæ pro peccatis nostris iustè
meremur, intercessione Sanctorum.
Regni nostri Patronorum, à nobis cle-
menter auerte. Per Dominum.

Ad Matutinum, Inuitatorium.

Regem qui redimit de interitu vitam :
venite adoremus.

Hymnus. vt in primis Vesp.

Antiphonæ primi Noctur

Psal: 117.

Fortitudo mea, & laus mea Dominus, &
factus est mihi in salutem.

Psalms. omne Dominus nos-
ter. cum reli-
cuis infesto **SS. Trinitatis.**

Apoc. 4.

Dignus es Domine, accipere gloriam, ho-
norem, & virtutem. **Psal. C.** ali enarrant.

Tua est Domine, magnificentia, & poten-
tia, & gloria atque victoria.

Psal. D. omni est terra.

Psal: 102.

y. Benedic anima mea Domino.

x. Et omnia quæ intra me sunt, nomini
sancto eius.

Lectiones de script: occurrenti.

1. Mach: 3.

Resp: 1. facile est concludi multos in
manu paucorum, & non est differentia in
conspectu Dei cœli, Liberare in multis & in
paucis. **y. Non** in multitudine exercitus vi-
ctoria belli, sed de cœlo fortitudo est. **L.**
liberare.

Resp.

Gratiarum actionis.

Resp: 2. Metabuntur castra filij Israël, *Num: 1.*
vnusquisq; per turmas & cuneos, atque exerci-
tium: porrò Leuitæ per gyrum tabernaculi
figent tentoria. **N**e fiat indignatio super
multitudinem filiorum Israël.

7. Et excubabunt in custodijs tabernaculi
testimonij. **N**e fiat.

Resp: 3. Procidebant viginti quatuor se- *Apo: 4.*
niores ante sedentem in throno, & adorabant
viuentem in sæcula sæculorum. **E**t mitte-
bant coronas suas ante thronum.

7. Dignus es Domine Deus noster, acci-
pere gloriam, honorem, & virtutem. **E**t
mittebant. **G**loria. **E**t mittebant.

Antiphonæ Secundi Nocturni.

A Donai Domine, magnus es tu, & præ- *Indith 16.*
clarus in virtute tua, & quem superare
nemo potest. **O**mnes gentes plaudite.

Non in multitudine exercitus victoria *1. Mach: 3.*
belli, sed de cælo fortitudo est. **M**agnus Do-
minus.

Vir obediens loquetur victoriam; vir im- *Prou: 21.*
pius procaciter obfirmat vultum suum.
Deus iudicium tuum.

7. Iste Deus meus, & glorificabo eum.

8. Deus Patris mei, & exaltabo eum.

Lectio IV.

Sermo S. Ioannis Chrysostomi.

Gratia sunt per nos Deo habendæ, non *Deo red.*
solum verbis, sed & opere. *Potentia dandi.*

tunc vera gratitudo dici, si nostris ex actibus Deus laudem consequatur: cauerimusque ne in eadem illa recidamus, quæ ante improbara euasimus. Nam si forte Imperatorem aliquem fuerimus conuicio & probris infectati, isque nos contra, pro pœna emerita, honoribus auxerit: nonne & merito supplicia prioribus acriora, essent ferenda, si rursum quemadmodum ingratitude & procacitatis conuicti, eundem conuicijs incessemus. Neque enim nos adeo prior illa Principi illata contumelia, quam quæ post susceptos honores, iniuria argueret.

1. Reg. 17. **R. T**u venis ad me cum gladio, & hasta, & clypeo: **E**go autem venio ad te in nomine Domini exercituum.

Y. Dabit te Dominus in manu mea & percutiam te, & auferam caput tuum. **E**go autem venio.

Lectio V.

Cæli, & si taciti, dicuntur Deo laudem annuuciare: sic & qui vitam duxerint puriorem, vel ore silenti Deum extollere videntur, quando sui exemplo, & reliquos homines, eundem vt laudibus efferant, pelliciunt. Si quidem Deus, non tantum admirationis, ex cælesti hac formata machina vendicat, quantum gloriæ sibi ex optimis vitæ huius actionibus comparat. Quippe cum de fide aduersus gentes oritur disceptatio, nullum cælum, sed homines ipsos proferimus, qui cum antea fuissent feris bestiis truciore, Angelo-

Angelorum sunt, diuino impulsu, imitatores effecti. Qua vitæ immutatione producta, confestim illorum ora occludimus: eo magis cum homo sit cælo præstantior.

R. Quomodo persequebatur vnus mille: Et duo fugabant decem millia.

Y. I deo quia Deus suus vendidit eos, & Dominus conclusit eos. Et duo.

Lectio VI.

E Nixius ergo erit salutis nostræ inherendum: neque vitæ huius opportunitas omittenda. Possunt vel in ipso spiritus efflatu, gratia Deo haberi: licebitque, & si non pari facilitate, ex testamento cum Deo in gratiam redire. Dicit quispiam: Quonam pacto id fiet? Fiet quidem, si Christum tuis hæredibus cohæredem adscripseris, & portionem illi hæreditatis totius impertieris: quem etsi viuens non alueris, moriens saltem è tuo aliquid illi relinquito, vel tum maxime cum desinunt tuæ esse ditionis quæ possides. Nam vt ille natura clementissimus est, non paruo per te oblata pensabit. Quamuis qui viuens eum aluerit: & meritis maioribus, & amore ampliore est dignus.

R. Si nolueritis recipere disciplinam, sed *Leuit. 26.* ambulaueritis ex aduerso mihi: Ego quoque aduersus vos incedam.

Y. Percutiam vos septies propter peccata vestra, inducamque gladium vltoris fœderis mei. Ego quoque. Gloria Patri. Ego quoque.

Officium

Antiphonæ tertij Nocturni.

ad: 17. **Æ** Difcavit Moyfes altare, & vocavit nomen eius: Exaltatio mea. *Cantate Domino canticum nouum.*

Paral: 29. **T**ua est Domine, magnificentia, & potentia, & gloria, & victoria. *Dominus regnauit.*
Dominum formidabunt aduersarij eius, & super ipsos in cœlis tonabit. *Cantate Domino canticum.*

Y. Benedic anima mea Domino.

R. Et omnia quæ intra me sunt, nomini sancto eius.

Lectio VII.

Lectio sancti Euangelij secundum
Lucam.

IN illo tempore; Dixit Iesus discipulis suis: Cùm audieritis prælia & seditiones, nolite terreri: oportet enim primum hæc fieri, sed nondum statim finis. Et reliqua.

Homilia sancti Gregorij Papæ.
Homilia 35. in Euang.

Dominus ac redemptor noster perituri mundi præcurrentia mala denunciat: vt eo minùs perturbent venientia, quo fuerint præscita. Minùs enim iacula feriunt quæ præuidentur: & nos tolerabiliùs mundi mala suscipimus, si contra hæc per præscientiæ clypeum munimur. Ecce etenim dicit: Cùm audieritis prælia & seditiones, nolite terreri: oportet enim primum hæc fieri, sed nondum statim finis. Pensanda sunt verba Redemptoris no-

ris nostri, per quæ nos aliud interius, aliud
exterius passuros esse denunciat. Bella quip-
pe ad hostes pertinent, seditiones ad ciues.
Vt ergo nos indicet interius exteriusque tur-
bari, aliud nos fatetur ab hostibus, aliud à
fratribus perpeti.

R. reddidit Dominus iustis mercedem la- *Sap: 10.*
borum suorum, & deduxit eos in via mira-
bili: Et fuit illis in velamento diei, & in
luce stellarum per noctem.

T. ransulit eos per mare rubrum, &
transiuit eos per aquam nimiam. Et fuit.

Lectio VIII.

Ed his malis præuenientibus, quia non
statim finis sequatur, adiungit: Surget
gens contra gentem, & regnum aduersus re-
gnum; & terræ motus magni erunt per loca,
& pestilentia, & fames, terroresq; de cælo,
& signa magna erunt. Vltima tribulatio mul-
tis tribulationibus præuenitur: & per crebra
mala, quæ præueniunt, indicantur mala per-
petua, quæ subsequuntur. Et ideo post bella
& seditiones non statim finis: quia multa de-
bent mala præcurrere, vt malum valeant sine
fine nunciare.

I.usti tulerunt spolia impiorum, & de- *Sap: 10.*
cantauerunt, Domine, nomen sanctum tuum:
Et victricem manum tuam, laudauerunt pa-
riter.

S.apientia aperuit os mutorum, & lin-
guas infantium fecit disertas. Et victricem
gloria. Et victricem.

Lectio IX.

Ex Breui
Apostolico
Greg: XV.
Pape.

Regante SIGISMUNDO III. Poloniae & Sueciae Rege, Osmanus Turcarum immanissimus tyrannus, una cum Tartarorum Domino, innumerabilibus copiis ad excidium Regni Poloniae comparatis, ad fines Russiae peruenit: occurrit ei exercitus ultra Tyram fluium, quem Princeps WLADISLAVS, dicti SIGISMUNDI Regis natus, ducebat. Cumq; decies pugnatum esset, & semper à nostris victoria steterisset: tot cladibus afflicti hostes, & fama aduentantis, cum vniuersa Poloniae nobilitate, SIGISMUNDI Regis exterriti, ad pacem a quibus conditionibus offerendam, adducti fuerunt: ac ne palmo quidem terrae à Regno amisso, magnaue parte exercitus amissa, maiori cum dedecore & confusione, primi ex acie discesserunt. Cuius singularis diuini beneficii memoriam, GREGORIUS XV. Summus Pontifex, cum gratiarum actione perpetuis temporibus, in honorem B. V. Mariae, ac Regni Patronorum, qui hoc impetrasse pie creduntur, die 10. Octobris, celebrare cum Processione, statuit & ordinauit.

Te Deum laudamus.

Ad Laudes Antiphonae.

CAntemus Domino, gloriose enim magnificatus est, equum & ascensorem dedit in mare: Dominus regnauit.

Dextera tua, Domine, magnificata est in fortitu-

Gratiarum actionis.

II

fortitudine. dextera tua percussit inimicum.

Iubilare Deo.

Arcus fortium superatus est, & infirmi accincti, sunt robore. *Deus Deus meus, ad te.*

Iusti decantauerunt Domine, nomen sanctum tuum, & victtricem manu tuam laudauerunt pariter. *Benedicite omnia opera.*

Ego autem in Domino gaudebo, & exultabo in Deo Iesv meo. *Laudate Dominum de celis.*

Capiculum.

Benedictus Deus, & Pater Domini nostri Iesv Christi, Pater misericordiarum, & Deus totius consolationis, qui consolatur nos in omni tribulatione nostra.

HYMNVS.

Rex magne, Rex altissime,
Virtutis è Throno tuæ
Æternitatem partiens,
Et regna mundi transferens.

Quàm sunt inaccessæ tui
Profunditates consilij!
Vt est procul cœlum solo,
Arcana sic procul tua.

Assur, furoris, ferrea
Qui virga, diuini fuit,
Nunc ipse poenas acriter
Iussu tuo, demens, luit.

Sic corda, quando cæteris

Cordem

Officium.

Coedem superbè detonant,
Cæduntur, & casu suo
Dei timorem prædicant.

Patri Deo sit gloria,
Ejusq; soli Filio,
Cum Spiritu, qui perpeti
Mundum regit custodia. Amen.

Psal : 85. **R.** Non est similis tui in Dijs Domine.
R. Et non est secundum opera tua.

Ad Benedict.

Tob : 12. **B**enedicimus Deum cœli, & coram omni-
bus viuentibus confitebimur ei, quia fecit no-
biscum misericordiam suam.

Pro Commemoratione Patro- norum.

Psal : 51. **C**onfitebor tibi in sæculum, quoniam fe-
cisti: & exaltabo nomen tuum, quoniam bo-
num est, in conspectu Sanctorum tuorum.
R. Sancti & iusti in Domino gaudente.
R. Vos elegit Deus in hereditatem sibi.

AD TERTIAM.

Capitulum.

Benedictus Deus, & Pater Domini nostri
IESV Christi, Pater misericordiarum,
& Deus totius consolationis, qui consolatur
nos in omni tribulatione nostra.

p : 10. **R.** Iusti decantauerunt, Domine, nomen
sanctum tuum.

R. V. icti-

Gratiarum actionis.

13

P. victtricem manum tuam laudauerunt
pariter.

Gloria.

V. Adorabant sancti viuentem in sæcula. *Apoc: 4*

R. Et mittebant coronas suas ante thronum Dei.

AD SEXTAM.

Capitulum

Quam bonus, & suavis est Domine, *Sap:*
Spiritus tuus in omnibus: Ideoque qui
errant, partibus corripis, & de quibus pec-
cant, admones; & alloqueris, vt relicta ma-
litia, credant in te Domine.

V. Adorabant sancti viuentem in sæcula.

R. Et mittebant coronas suas ante thronum Dei.

Gloria.

P. Dignus es Domine Deus noster.

R. Accipere gloriam, honorem, & virtutem.

AD NONAM.

Capitulum.

TV autem dominator virtutis, cum tranquillitate iudicas, & cum magna reuerentia disponis nos: subest enim tibi, cum volueris, posse.

P. Dignus es Domine Deus noster.

R. Accipere gloriam, honorem, & virtutem.

Gloria.

R. **A**^b

Officium

14

Esther 13.

P. Ab insurgentibus in me exaltabis me.

R. A. viro iniquo eripies me.

A. Magnific in secundis Vesp.

Domine Rex omnipotens, in ditione tua cuncta sunt posita, & non est qui possit resistere voluntati tuæ, si decreueris saluare Israel.

De Patronis Commemoratio.

Profallite Domino Sancti eius, & confite-
mini memoriæ sanctitatis eius: quoniam ira
in indignatione eius, & vita in voluntate
eius. **Oratio.** Infirmi-
tatem nostram, &c.
ut in Vesp.

Missa huius diei in Gratiarum
actionem, sic dicitur. **Trinitate.**

Deinde Commemoratio de Patronis, ut sequitur.

ORATIO

Domine Deus exercituum, qui interueniente B. V. Maria, & sanctis Regni nostri Patronis, immanem Turcarum exercitum, in cladem Poloniæ congregatum, magnâ cum ignominia repulisti, gratias tibi suppliciter reddimus: maiestatem tuam, deprecantes, ut à quibus virgam furoris tui auertisti, eosdem ad te verè conuerti largiaris. Per Dominum.

Gratiarum actionis.

15

Secreta de Patronis

Adesto Domine, supplicationibus nostris, quas in Sanctorum Regni nostri Patronorum honore deferrimus: vt qui nostra iustitiæ fiduciam non habemus, eorum, qui tibi placuerunt, meritis adiuuemur. Per Dominum nostrum.

Postcommunio de Patronis.

Quæsumus Domine, salutaribus reſecti
myſterijs, vt Orationibus Sanctorum,
Regni huius Patronorum, quorum interces-
ſionis memoriam celebramus, ab omni inimi-
corum incurſu liberemur. Per Dñm
noſtrum Ieſum Chriſtum Filium
tuum, &c.





Biblioteka Jagiellońska



stdr0006820

